



**ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ ԼՈՆԴՈՆՈՒՄ
«ՀԱՅ ԵՐԱԺՇՏԱԿԱՆ ԻՆՍՏԻՏՈՒՏ»-Ի ՀԻՄՆԱԴՐՈՒԹՅԱՆ
ԱՌԹԻՎ**

**ԼՈՆՏՈՆԻ «ՀԱՅ ԵՐԱԺՇՏԱԿԱՆ ԻՆՍՏԻՏՈՒՏ»-Ի
ՅԱՐԳԱՐԺԱՆ ՀԻՄՆԱԴՐՆԵՐԻՆ ԵՒ ԱՆԴԱՄՆԵՐԻՆ
ՈՂԶՈՐՅՆ ՀԱՅՐԱԿԱՆ ԵՒ ՕՐՀՆՈՒԹԻԴՆ ՀԱՅՐԱՊԵՏԱԿԱՆ**

Հայ ժողովրդի ոգեկանության վաերական արտայայտություններից մեկն է հանդիսանում ազգային երաժշտությունը, որի գանձարանը բազում դարերի ընթացքում հարստացել է կրօնական և ժողովրդական ինքնատիպ ստեղծագործություններով, իսկ վերջին հարիւրամեակին՝ նաև հայ տաղանդաշատ երգահանների աշխարհին ծանօթ գործերով, որոնց մեջ լուսաւոր կատարների են հասել՝ մեր անմահ վարդապետը Կոմիտաս և մեր օրերի շնորհաշատ Արամ Խաչատրեանը, իրենց անկորնչելի վաստակով:

Մենք անհուն ուրախութեամբ ողջունում ենք՝ Լոնտոնում հիմնադրումը ձեր «Հայ երաժշտական ինստիտուտ»-ի և Մեր օրհնությունն ենք առաքում ձեր հայրենանուէր առաքելութեանը՝ մաղթելով, որ փայլուն յաջողութեամբ պսակուեն ձեր բոլոր ծրագրերն ու աշխատանքները՝ նուիրում հայ երաժշտութեան և առաջին հերթին հայ հոգևոր երաժշտութեան վերարժնորմանն ու տարածմանը աշխարհով մէկ:

Թող հայ երգի լոյսը աւելի ու աւելի տարածուի ու բաշխուի աշխարհին և մշտապէս ճառագայթի քաղաքակիրթ ազգերի երաժշտութեան տիեզերական համանուագի մէջ:

Շատ սիրով ընդունաջում ենք ձեր 24 լույնար 1977 թուակիր խնդրանքին և Մեր անվերապահ համաձայնությամբ լայնում՝ Մեր հայրապետական օրհնութեամբ հովանաւորելու ձեր ինստիտուտը և միշտ նեցուկ կանգնելու ձեր ազնի իրագործումներին:

Հաւատում ենք ձեր ստեղծարար ոգուն, հաւատում ենք ձեր կրիտաւարդական սուրբ եռանդին, հաւատում ենք ձեր ազգանուէր երազանքներին:

«Ողջ լերուք զօրացեալ շնորհօք սուրբ Հոգոյն և յաւէտ օրհնեալ ի Տեառնէ և ի Մէնջ». ամէն:

Բազմե Դ.

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տոստ կոնդակս ի 20-ը փետրուարի
1977 փրկչական ամի,
էս ի տումարիս հալոց ՌՆԻԶ
ի մայրական սրբոյ Էջմիածնի
ՀՄՐ. 878

